

1. Nijaz Vatrić, predsjednik, Kantonalna uprava civilne zaštite Kantona Sarajevo;
2. Hajrudin Zahiragić, član, Kantonalna uprava civilne zaštite Kantona Sarajevo;
3. Eldar Maslo, član, Ministarstvo unutrašnjih poslova Kantona Sarajevo;
4. Kemal Starogorčić, član, Ministarstvo privrede Kantona Sarajevo;
5. Šejla Brković, članica, Ministarstvo zdravstva Kantona Sarajevo;
6. Mirzet Sarajlić, član, Ministarstvo saobraćaja Kantona Sarajevo;
7. Sead Teskeredžić, član, Ministarstvo komunalne privrede, infrastrukture, prostornog uređenja, građenja i zaštite okoliša;
8. Vedad Viteškić, član, Zavod za planiranje razvoja Kantona Sarajevo.

Za sekretara Radne grupe imenuje se Elma Bećirović iz Kantonalne uprave civilne zaštite Kantona Sarajevo, koja će obavljati administrativno-tehničke poslove za potrebe Radne grupe.

## II

Zadatak Radne grupe je da izradi Plan od požara Kantona Sarajevo, u skladu sa odredbama Uredbe o sadržaju i načinu izrade planova zaštite i spašavanja od prirodnih i drugih nesreća i planova zaštite od požara ("Službene novine Federacije BiH", broj 8/11), te da isti dostavi Kantonalnoj upravi civilne zaštite Kantona Sarajevo, na dalji postupak.

## III

Rok za realizaciju zadatka iz tačke II ovog Rješenja je 30 dana od dana stupanja na snagu ovog rješenja.

## IV

Predsjedniku, članovima i sekretaru Radne grupe pripada naknada za rad u Komisiji, čiju visinu posebnim aktom utvrđuje direktor Kantonalne uprave civilne zaštite Kantona Sarajevo, u skladu sa raspoloživim sredstvima u Budžetu Kantonalne uprave civilne zaštite Kantona Sarajevo, a po dobijenoj saglasnosti Vlade Kantona Sarajevo prema članu 12. stav (4) Zakona o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo", broj 18/20 i 46/20), kojim je propisano da Vlada Kantona Sarajevo može donijeti posebnu odluku za sredstva, između ostalog, za naknadu za rad u komisijama, stručnim i drugim tijelima.

## V

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-04-6490-17/21  
11. marta 2021. godine  
Sarajevo

Premijer  
**Edin Forto**, s. r.

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 9., a u vezi sa članom 1. Pravilnika o organiziranju i načinu rada Kriznog štaba Federalnog ministarstva zdravstva ("Službene novine Federacije BiH", broj 10/12), a u vezi sa Odlukom Ustavnog suda Bosne i Hercegovine (AP 3683/20 od dana 22.12.2020. godine) ("Službene novine Federacije BiH", broj 16/21), na prijedlog Kriznog štaba Ministarstva zdravstva Kantona Sarajevo, Vlada Kantona Sarajevo, na 14. redovnoj sjednici održanoj 18.03.2021. godine, donijela je

## ZAKLJUČAK

1. Zabranjuje se kretanje stanovništva na području Kantona Sarajevo u periodu od 21 sat uvečer do 5 sati ujutro narednog dana, počev od 19.03.2021. godine do 02.04.2021. godine;
2. Iz tačke 1. ovog zaključka izuzimaju se:
  - svi usposlenici koji su uključeni u provođenje mjera i aktivnosti na rješavanju epidemije COVID-19 na području Kantona Sarajevo,
  - uposlenici kojima se proces rada odvija u smjenama,
  - međugradski i međunarodni prijevoz putnika,
  - taxi služba,
  - kao i vozači teretnih vozila u domaćem i međunarodnom transport.

Uposlenici iz prethodnog stava ove tačke koji su uključeni u provođenje mjera i aktivnosti u rješavanju epidemije COVID 19 na području Kantona Sarajevo i uposlenici kojima se proces rada odvija u smjenama moraju imati odobrenje poslodavca za kretanje u razdoblju od 21 sat uvečer do 5 sati ujutro narednog dana.
3. Zabranjuje se rad ugostiteljskim subjektima koji obavljaju djelatnosti restorana i ostalih objekata za pripremu i usluživanje hrane - šifra KD 56.10 i djelatnosti pripreme i usluživanja pića - šifra KD 56.30 počev od 20.03.2021. godine od 05h do 03.04.2021. godine do 24h;
4. Izuzetno od tačke 3. ovog zaključka dozvoljava se rad javnih kuhinja, priprema i dostava hrane i pića na adresu do 21,00 sata, rad hotela i sličnog smještaja uz posluživanje hrane i pića za goste koji imaju prijavljen boravak, uz poštivanje higijenskih i epidemioloških mjera zaštite,;
5. Zabranjuje se okupljanje u grupama većim od 30 lica u zatvorenom i na otvorenom prostoru;
6. Zabranjuju se sva okupljanja u privatnim objektima u grupama većim od 10 lica (svadbe, rođendani, proslave i drugi porodični skupovi slične prirode);
7. Zabranjuje se muzika uživo hotelijerskim objektima;
8. Zabranjuju se posjete osobama smještenim u ustanovama koje zbrinjavaju i smještaju starije osobe;
9. Naređuje se obavezno propisno nošenje zaštitnih maski preko usta i nosa za zaštitu respiratornog sistema, u zatvorenom i na otvorenom prostoru osim za:
  - djecu mlađu od 7 godina,
  - lica sa invaliditetom i djecu sa poteškoćama u razvoju,
  - lica koja obavljaju fizičku, sportsku i rekreativnu aktivnost;
10. Naređuje se da organizovanje takmičarskih aktivnosti sportskih organizacija i sportista bude isključivo bez prisustva publike, uz poštivanje svih epidemioloških mjera;
11. Naređuje se javnim zdravstvenim ustanovama primarnog nivoa zdravstvene zaštite da se izolacija za potvrđene COVID pozitivne osobe i nepotvrđene osobe za koje postoji sumnja na zarazu, odnosno članove istog domaćinstva, odredi u obaveznom trajanju od 14 dana;
12. Naređuje se svim tržnim centrima, trgovinama na malo i veliko van tržnih centara, hotelijerima i pružaocima ostalih uslužnih djelatnosti obavezno određivanje COVID redara iz reda uposlenika, koji će biti zaduženi za nadzor nad sprovođenjem svih epidemioloških mjera;
13. Naređuje se trgovinama na veliko i malo, pružaocima ostalih uslužnih djelatnosti, subjektima koji pružaju usluge iz oblasti hotelijerstva, umjetnosti i zabave (kina, pozorišta, muzeji i sl.) da na ulazu u objekat postave

- obavještenje o ukupnom broju lica koja mogu boraviti u objektu, u odnosu na njegovu površinu, računajući da je za svaku osobu potrebno 7 m<sup>2</sup> neto, a ne više od 30 lica. Tržni centri su dužni postaviti obavijest o ukupnom broju lica, zbirno po svim subjektima u sklopu tržnog centra;
14. Naređuje se svim pravnim licima i obrtima da prilikom obavljanja svojih djelatnosti vrše svakodnevnu dezinfekciju i pojačanu higijenu svojih poslovnih prostorija, te da dezinfekciju i pojačanu higijenu mogu i samostalno obavljati, uz obavezno vođenje evidencije koja je jasno istaknuta u objektu;
  15. Naređuje se svim organima uprave, organima jedinica lokalne samouprave i ostalim subjektima koji vrše javna ovlaštenja da organizuju svoj rad sa građanima na način da:
    - na ulazu u službene prostorije ograniče broj osoba koje istovremeno mogu da uđu i borave u prostorijama,
    - održavaju rastojanje u zatvorenim prostorima od najmanje dva metra, uz blagovremeno preduzimanje mjera dezinfekcije i pojačane higijene,
    - omogućuće rad šalter sale i matične službe u jedinicama lokalne samouprave uz obezbjeđenje fizičke providne barijere na radnom mjestu koja pruža dovoljnu zaštitu zaposlenom i korisniku.
  16. Naređuje se svim privrednim subjektima, organima uprave, upravama i upravnim organizacijama, upravama i upravnim organizacijama koje se nalaze u sastavu ministarstava, javnim ustanovama, javnim fondovima, javnim komunalnim preduzećima i javnim preduzećima da organizuju rad od kuće, a ukoliko to nije moguće zbog prirode posla, organizovati rad u smjenama kako bi se smanjio broj lica koja istovremeno borave u organizaciji;
  17. Iz tačke 16. ovog zaključka izuzimaju se pravosudne institucije Općinski sud u Sarajevu, Kantonalni sud u Sarajevu i Kantonalno tužilaštvo, kao i Kantonalna uprava za inspekcijske poslove. Izuzeti subjekti su ovlašteni samostalno utvrditi organizaciju rada uz strogo pridržavanje svih epidemioloških mjera i posebnih preporuka i uputa Zavoda za javno zdravstvo Kantona Sarajevo;
  18. Naređuje se javnim prijevoznicima čišćenje i dezinfekcija vozila najmanje dva puta dnevno, a između vožnji prozračivanje unutrašnjosti vozila;
  19. Naređuje se javnim prijevoznicima da obezbijede prisustvo COVID redara u vozilima sa ciljem osiguranja pridržavanja mjera;
  20. Naređuje se javnim prijevoznicima postavljanje fizičke barijere između vozačkog mjesta i putnika (od pleksiglasa ili slično), a ako isto nije moguće, prvi red sjedala iza vozača ne smije se koristiti za prijevoz putnika;
  21. Naređuje se upraviteljima zgrada, poslodavcima i predstavnicima javnih ustanova i javnih preduzeća redovito dezinficiranje svih zajedničkih površina (rukohvati, liftovi, radne površine, sanitarni čvorovi i slično);
  22. Naređuje se svim poslodavcima da zabrane dolazak na radna mjesta radnicima koji imaju povišenu tjelesnu temperaturu, smetnje sa dišnim organima, a posebno suhi kašalj i kratki dah, kao i da redovito provjetravaju prostore u kojima radnici borave i zadržavaju se;
  23. Naređuje se povećani broj testiranja putem Antigen Rapid Covid testova za radnike u zdravstvu, ustanovama socijalne zaštite i radnike u školama koji poslove realiziraju u prostorijama škole;
  24. Za sva događanja i okupljanja parlamentarnih tijela u Kantonu Sarajevo, broj prisutnih osoba se ograničava s obzirom na veličinu prostora, na način da za svaku prisutnu osobu mora biti osigurano najmanje 7 m<sup>2</sup> neto površine, uz strogo pridržavanje svih epidemioloških mjera i posebnih preporuka i uputa Zavoda za javno zdravstvo Kantona Sarajevo, i obavezu da na ulazu u objekt u kojem se okupljanje održava bude jasno istaknuta obavijest o najvećem mogućem broju osoba koje istovremeno mogu biti prisutne u objektu. Kontinuitet rada sjednice se prekida svaki puni sat na 10 minuta radi provjetravanja i dezinfekcije prostorije;
  25. Organizatori događanja i okupljanja iz tačke 24. ovog zaključka, obavezni su osigurati da se prostori u kojima se događanja i okupljanja održavaju redovito provjetravaju, da na događanju i okupljanju ne bude prisutno više osoba od dopuštenog broja i da se svi prisutni pridržavaju svih propisanih epidemioloških mjera i posebnih preporuka i uputa Zavoda za javno zdravstvo Kantona Sarajevo;
  26. Zadužuju se komunalni redari da pruže podršku Kantonalnoj upravi za inspekcijske poslove Kantona Sarajevo u kontroli sprovođenja donesenih mjera;
  27. Naređuje se obustava korištenja započelih i planiranih godišnjih odmora u 2021. godini, kao i korištenja preostalog dijela godišnjih odmora iz 2020. godine, svim uposlenim u javnom i privatnom zdravstvenom sektoru u Kantonu Sarajevo;
  28. Naređuje se hitan povratak sa započelih godišnjih odmora iz 2021. godine, kao i godišnjih odmora iz 2020. godine, svim uposlenim u javnom i privatnom zdravstvenom sektoru u Kantonu Sarajevo;
  29. Naređuje se privremeni radni angažman svim uposlenim u javnom i privatnom zdravstvenom sektoru u javnim zdravstvenim ustanovama u Kantonu Sarajevo koje se bave liječenjem bolesnika oboljelih od COVID 19, a koji privremeni radni angažman bude iskazan Ministarstvu zdravstva Kantona Sarajevo po potrebi javnih zdravstvenih ustanova u Kantonu Sarajevo koje se bave liječenjem bolesnika oboljelih od COVID 19;
  30. U skladu sa odredbama člana 8. stav (5) tačka m), a u vezi sa članom 13a. Zakona o prekršajima protiv javnog reda i mira ("Službene novine Kantona Sarajevo", broj 18/07, 7/08 i 34/20), za provođenje mjere iz tačke 9. ovog zaključka zadužuje se Uprava policije Ministarstva unutrašnjih poslova Kantona Sarajevo, kao i za kontrolu kretanja lica iza 21 h, u skladu sa odredbama člana 8. stav (5) tačka d) istog Zakona, dok će kontrolu sprovođenja ostalih mjera iz ovog zaključka vršiti Kantonalna uprava za inspekcijske poslove Kantona Sarajevo;
  31. Za realizaciju tačke 23. ovog zaključka zadužuju se JU Dom zdravlja Kantona Sarajevo i JU Zavod za javno zdravstvo Kantona Sarajevo;
  32. Vlada Kantona Sarajevo, će pratiti epidemiološku situaciju u Kantonu Sarajevo, te će u skladu sa utvrđenim stanjem i preporukama Kriznog štaba Ministarstva zdravstva po potrebi revidirati donesene mjere;
  33. Ovaj zaključak stupa na snagu danom donošenja, a primjenjivat će se od 19.03.2021. godine do 03.04.2021. godine i objavit će se u "Službenim novinama Kantona Sarajevo".

Broj 02-04-10017-26/21  
18. marta 2021. godine  
Sarajevo

Premijer  
Edin Forto, s. r.